



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

9 Quid sit posseßio.

[urn:nbn:de:hbz:466:1-72459](#)

*Minores
nos habent
dominum
in commu-
ni.*

consumuntur, habere nudum vsum seu ius utendi separatum ab omni dominio.

Patet ex decretis Pontificum Nicolai & Clementis, quibus tres alij Pontifices consentiunt: est que communior sententia DD.

Probatur Primo: Quia cum haec possint separari, nihil mirum si de facto in aliquo ordine sint separata.

Secundò, Certum est, Religiosos singulos tantummodo habere talem vsum, absque omni dominio: nam quidquid habent, potest illis ad nutum Superioris auferri sine vlla iniuria. quod neque hi, qui sunt alterius sententia, negant vel negare possunt; nam hoc est de essentia paupertatis Euangelicae: ergo nihil est incommodi, si id ipsum in aliqua communione constitutum, ita ut ipsa tota nihil habeat, nisi nudam rei concessionem ad vsum, sine omni proprietate dominii.

*35
Obiectio-
nes.*

Obiectio Primo: Ioannes XXII. Extr. Ad con-

ditorem, dicit se abdicare a se & à Sede Apostolica,

omne dominium harum rerum, ne Fratres Minores

pretendani illud esse apud Sedem Apostolicam. ergo

vel est apud nullum, vel est apud iplos Minores.

Respondeo, Fideles, qui ita res largiuntur, vel intendunt sibi referre earum rerum dominium donec consumantur, vel non intendunt: si intendunt, manet apud iplos: si non intendunt, transit ad Sedem Apostolicam; nam post renuntiationem illam alij Pontifices rursus illud admirerunt, ut habetur in priuilegiis Minorum, verbo Pauperum. Itaque Sedes Apostolica habet dominium non solum rerum immobiliarum, sed etiam omnium mobilium Ordini à Fidelibus absolutè donatorum, ita ut possit Ordinem hisce priuare sine iniuria.

Obiectio Secundò, Vsus distinctus à domino est qui competit aliqui in re aliena, salua rei substantia, ut habetur Institut. de Vsu & habitacione, & pater ex dictis ergo ille vsus, quo quis potest rem consumere, non est distinctus à domino: ac proinde Minores talium rerum habebunt dominium.

36 Resp. Negando consequentiam: nam solum sequitur, hunc vsum, quo quis potest consumere rei substantiam, non esse talen, qualis est ille de quo Iura loquantur, qui propriè & strictè dicitur vus.

*Diferunt
hic vus &
ille de quo
Iura.*

Est autem magna differentia inter hos duos vus: eis enim veterque ius ius quoddam utendi; tamen hic de quo nunc loquimur, quem ponimus in Minoribus, (quique *Vsus facti vocari solet*) est ius ad nutum reuocabile. vnde si dominus tollat rem quam dedit, non faciet illis iniuriam. ille vero de quo Iura (quem *Vsus iuris* vocant) non est reuocabilis: vnde si dominus tollat rem ante tempus concessionis, faciet iniuriam. Deinde hic extendit se ad rei consumptionem, donationem, venditionem, sicut dominium; ille vero solum ad vsum, in quo salua manet domino rei substantia. Vnde hic vus ratione iuris est minor altero; ratione tamen functionum ad quas se extendit, est maior.

Obiectio Tertiò, D. Tho. quæst. 78. a. 1. docet, in illis rebus, quæ vsum consumuntur, cuicunque conceditur vsum, concedit etiam rem ipsam eiusque dominium. vnde colligitur, in mutuo talium rerum non possè exigi vsum. i. premium vsum distinctum à pretio rei: ergo sentit *utendi* non distinguunt in his à dominio.

Resp. D. Thom. loquitur de vsum, seu iure utendi ab absolute & independenter ab alio; quod sanè nihil vel parum distinguitur à dominio in talibus rebus, quæ vno aucto consumuntur: nos verò loquimur de iure utendi dependenter ab alio, quod distinguitur à dominio rei.

Inferes: Ergo hoc ius poterit pretio vendi, rente domino directo; & alio contractu vendi poterit ipsum dominium: quod est aperire magnam fenestrarum vsum.

Resp. Concedo, absolute posse vendi hoc ius *An isto
vsum possit
rei, vel ius irreuocabile utendi. Non enim tanti vendi loco
valer ius ad nutum alterius reuocabile, quanti sim a do-
minio.* Neque ius quod conceditur solum ad vsum determinatum, quanti illud quod ad indeterminatum. Quod si quis alio contractu velit vendere dominium directum, non potest pluris vendi quam per se valeat seorsim ab illo vsum; & ita pretium vius & pretium dominij illius directi non superabunt iustum rei estimationem: sed hic modus contrahendi non est vistus; nam facilè palliare vsum; quamvis per se non sit illicitus.

Obiectio Quartò, Si vsum distinguitur à dominio, ergo Ioannes XXII. errauit.

Respondeo Primo: Esto; quia non in questione pertinente ad fidem; neque ipse assertuit suam sententiam tamquam ad fidem pertinentem; neque alios obligare ad ita sentendum voluit; sed solum quid sibi videretur ut vir doctus explicit.

Resp. Secundo, si quis bene rem totam introspiciat, deprehender non esse differentiam inter has sententias, nisi in modo loquendi, non enim negasset Ioannes, Fratres Minores sine consensu Superioris non posse vendere cibos, qui illis apponuntur: & Superiores posse illis auferre sine iniuria. vnde quando vult eos habere dominium, non loquitur de dominio propriè dicto; sed de quodam iure, quod in effectu aquæ valet ac dominium; quia ita liberè consumunt ac si dominis essent. Vide Franciscum Sarmiento, de Redditi- bus parte 1. cap. 1.

DUBITATIO IX.

Quid sit possessio.

Norandum est, possessiōnē dici à pedum pos-
tione, ut habetur L. 1. n. de Acquir. vel amit.
possess. nam per pedum positionem super bona im-
mobilia, qua sunt potissimum, ut super agrum vel fundum, solet acquiri possessio. tribuitur autem
hoc nomine interdum ipsis rebus possessis. Sed hoc
loco accipimus pro actu, vel iure possidendi, à quo
denominatur quis possessor. Aetius possidē dicitur Possessio facti. Ius possidendi dicitur Possessio iuris. Vtraque nobis est explicanda.

Dico Primo, Possessio facti est detentio rei, corporis, & animi, & iuris administratio. Ita Sil. verbo Do-
minum q. 2. ex Hostiensi. cam explicat ex parte facti quid.
Couser ad regulam Possess. p. 2. n. 2. in principio.

Prima pars, est detentio rei; vbi rem accipio in
gētere, quia non solum res corporales, sed etiam incorporeæ, vt census, beneficium, servitus, & li-
milia dicuntur possidendi à Theologis; quæ à lu-
risperitis dicuntur quasi possidendi, vt nota Co-
uar. suprà. Nomine autem detentio intelligitur
enam

etiam apprehensio prima, quæ ordinariè requiriatur; quæ apprehensio est possessionis incepit, & acquitatio, ut notat Couar.

Secunda, corporis *adminiculatio*; quia vt res aliqua incipiat possideti, debet aliquo modo corporaliter apprehendti manibus, pedibus, oculis, vel simili modo, in se, vel in alio, in quo censeatur contingi, ut statim dicemus.

Tertia, animi *adminiculatio*; quia debet eam apprehendere animo possidendi. Vnde depositarius non dicitur possidere depositum, quia non detinet illud animo retinendi sibi.

Quarta, iuri*s adminiculatio*, non quod omnis possessio facta sit iusta; (nam sicut verè possidet rem furtiuam) sed quia Ius facit ut talis detentio sufficiens censeatur ad constitutandam possessionem; nec eam impedit, sicut impedit ne detentio rei sacræ, ut loci religiosi, facta a laico, censeatur possidatio, ut patet L. Qui vniuersitas. 30. 7. de Acquir. & amitt. possessione.

Dico Secundo, *Possessio iuri*s** est ius in*stendandi* alicui*rei*, tamquam *sue*, non prohibita possidendi. Ita Bartol. in L. 1. de Acquir. vel amitt. poss. & Couarr. supra num. 3.

Prima pars, est *iuris*, ut excludatur possessio facti, quæ formaliter est ipsa occupatio & detentio, vnde hoc ius oritur, si iusta fuerit, quod si illa detentio fuerit iniusta, non oritur ex ea ius in conscientia; vnde solum dicetur possessio facti: quamvis Iurisperiti omnem possessionem ius appellant, respicientes forum extimum.

Secunda, *in*stendandi* rei*, ut excludatur dominium quod per se & formaliter tantum est ius disponendi de re. Hoc verò ius in eo situm est, quod possessor possit rem pacificè tenere, & Iuris remedij, & interdum etiam armis tueri aduersus perturbantes, quod hic dicitur *in*stendere* rei*.

Tertia, tamquam *sue*. Si quis insistat rei nomine alterius, non erit vera possessio. Vnde tutor non est possessor bonorum pupilli; quia illa non detinet ut sua, sed nomine pupilli nam pupillus possidet per tutorem. Sic etiam possum aliquid possidere per seruum, & per filium. Vt autem possideam per alium, requiritur ut ille habeat animum rem detinendi pro me, si enim intendat pro se detinere, id est, tamquam suam, non possideo per illum: quia non meo nomine, sed suo detinet. Excipio tamen seruum & filium nondum emancipatum. hi enim, cum sint eius conditionis ut non acquirant sibi, acquirent nobis; et si hunc animum non habeant, ut docet Couarru. Suprà: quod intellige, si iusta acquirant. si enim acquisitionis effet iniusta, nec sibi nec nobis acquirent; sed possessio maneret apud antiquum dominum. Colligitur Institut. Per quas personas nobis acquirit. §. Item placet, in fine, & L. Quod seruus. 24. 7. de Acquir. possit.

Quarta, non prohibita possidendi, quia nemo potest habere ius possidendi contra Iuris dispositionem, seu Iure resistente; ut rei sacræ, loci publici, decimorum à laico.

D V B I T A T I O X.

Quomodo diuidatur possessio.

43 R Esp. Etsi varijs modis diuidi possit, nimirum vel prodiueritate titulorum, vel ratio ne bonæ & malæ fidet, visitatissima tamen est ea

diuisio, quia in Civilem & Naturalem diuiditur. *Civilis* est quia solo animo retinetur. quamvis enim initio ut incipias possidere, requiratur admittitum animi pariter & corporis, ut dictum est; tandem postea ut retineas & continues possessionem, suffici animus, retinendi rem, nec defitendi à possessione, ut habetur Institut. de Interdictis. §. Possidere. Hoc modo possidet is qui abest à rebus suis, sed animo eas retinet & occupat. Dicitur autem hæc *possessio civilis*, tum quia magis conflat Iure ciuili, quam naturali; cum naturalis modus possidendi sit per corporalem insistentiam: tum quia parit effectus ciuiles, scilicet usucacionem rei, & dominium fructuum.

Naturalis est que corpore simili & animo retinetur; ut quando quis occupat rem ut suam, potest *naturalis* coniungi cum *civili*; ut quando quis *possessio* est praesens per se vel alium, rebus quas ciuiliter possidet; diciturque tunc possessor ciuiliter & naturaliter possidere: quæ *possessio* est firmissima. Potest etiam esse separata a *civili*: ut si inusus occupe rem meam immobilem; ego ciuiliter, ille naturaliter eam possidet. hæc *possessio* infirmior est quam ciuilis. Ad hoc tamen valet ne possessor possit ab extraneo deturbari, & interdum ne ab ipso quidem domino sine auctoritate publica.

Sed adverte, hæc duo nomina interdum aliter accipi; nempe, ut *possessio Civilis* dicatur, quia res possidetur quoad dominum directum. *Naturalis* autem, quia possidetur secundum usumfructum, vel usum, vel habitationem, vel alia iura diuerfa. à dominio, ut docet Couarru. ad reg. Possessor p. 2. n. 4. Sic fructarius possidet rem nomine suo naturaliter, quoad usumfructum; quamvis non possidet eam nomine suo, quoad dominum directum. Idem possidet usumfructum (seu ius utendi fruendi, quod habet in re) ciuiliter. Supradictis duabus speciesibus possessionis a quibusdam DD. addi solet tercia, quam vocant *Civili Simam*, quæ *Civiliſſima* legi ordinatione constat, de qua infra n. 48.

D V B I T A T I O XI.

Quibus modis acquiratur possessio.

R Esp. Tribus modis acquiri, *Apprehensione* 46 vera, apprehensione ficta, legis dispositione.

Apprehensione vera est quæ fit manibus vel pedibus, hac est necessaria, quando acquirenda est *possessio* earum rerum quæ dominum non habet, ut ferarum, gemmarum, thesaurorum, insularum, fluminum. Item hereditatis relictæ, quia dominio carer, qui eam tradat, quando quis etiam clam vel vi possidere vult, requiritur vera apprehensione. denique si alius rem possideat, qui tibi nolit possessionem tradere, debes eam verè apprehendere, ut possideas. Nisi forte auctoritate Iudicis ea tibi eminus ostendatur, & ficto modo tradatur. Vide Antonium Gomezium in legem 45. Tauri, numero 55.

Apprehensione ficta locum habet, quando res habet possidorem à quo tradatur; vel quando loeo *ficta ubi possessor* auctoritate Iudicis traditur: huius sunt locum varijs modi: visitatores sunt isti,

1. Si antiquus possessor tradat alteri, cui vult possessione cedere, claves domus in qua sunt merces tradenda; idque apud ipsam domum, seu in praesentia domus, ut probat Couarru. l. 3. Variarum